

## IKOT UKWỌRỌ-IKỌ

Luke 24:46, 47; 14:21-23; Mark 16:15; Matthew 28:18-20

ỌYỌHỌ UKPEP-ŊKPỌ 365

Eke Ikpọ Owo

**IKỌ IBUOT:** “Mbufo eka ekanam kpukpru mme idut edi mbet Mi, enim mmọ baptism esin ke enyiñ Ete ye Eyen ye Edisana Spirit: enyuñ ekpep mmọ enam kpukpru ñkpọ eke ñketemede mbufo: ndien sese, Ami ndodu ye mbufo kpukpru ini, tutu osim utit ererimbot” (Matthew 28:19, 20).

### I. Ikot Mbon Macedonia

1. Jesus ama eteme mbet Esie ete ekwọrọ Eti-mbuk ke kpukpru ebiet, Luke 24:46, 47; 10:1, 2; 14:21-23; Matthew 10:7-14, 23; 28:18-20
2. Erikwọrọ Eti-mbuk edi usọp-usọp utom, ndien ikot Abasi enyene ndikwọrọ mbuk erinyaña nno kpukpru owo, Mark 16:15; John 4:6-8, 31-38; Matthew 20:6, 7; Nwede Mbon Rome 13:11, 12; 1 Nwede Thessalonica 5:4-8; Matthew 25:24-30
3. Nkukut emi ekenode Paul ke abaña mbon Macedonia ada onọ ikot Eti-mbuk emi kpukpru ndito Abasi enyenede, Utom Mme Apostle 16:9, 10; 26:16-20
4. Enyene ndida etop Eti-mbuk nsim ke kpukpru utit ererimbot, Matthew 24:14; Psalm 96:3; Isaiah 42:4.

### SE EKPEPDE EBAÑA

#### Idok Emi Adatde

Ke ini Jesus akanamde owo Gadara emi okodofode udofon edidehe spirit okop nsodidem, enye ama enyene udofon nditiene Jesus nika ebiet kiet ekededi eke Enye akakade. Nte ededi, Jesus ama odofon enye afiak onyofon ke ufok esie onyuñ owut mme utibe-ñkpọ oro Abasi akanamde onọ enye. Ke ntre enye ama onyofon onyuñ obuk akanare ke ofuri obio esie mme utibe-ñkpọ oro Obon akanamde onọ enye, ndien ke enye ndinam ntre enye ama akabare edi andikwọrọ Iko Abasi nno mme owo ke obio emana esie. Iduhe owo kiet ekededi emi ama okobofon uwem idiok-ñkpọ ndien anana udofon nditiñ nno mbio efen mbaña eti mbuk erinyaña. Owo ikemeke ndidianare spirit okwọrọ-Iko Abasi mfep ye Eti-mbuk, koro etop Eti-mbuk abaña kpukpru owo ke ererimbot.

Ikpohidem owo ekeme ndidi afia, mme obubit, mme uto-uto, mme ndat-ndat, edi ukpon owo edi ukem-ukem ke ebiet kiet ekededi ke ererimbot. Idiok-ñkpọ osuk edi idiok-ñkpọ ke ofon ekededi, ye ke emana ekededi; ndien ufon ediyom Iyip Jesus Christ man eyet mme idiok-ñkpọ efep onyuñ edi ukem-ukem ke kpukpru ebiet.

Eti-mbuk edi eke kpukpru owo onyuñ enyene kpukpru owo, ndien edi ñkpọ inemesit onọ ndito Abasi ndikwọrọ akpaniko esie ke ebiet ekededi eke owo odude. Ediwak ini Abasi esifori ikot Esie; Enye onọ mmọ ediwak ñkpọ uwem emi, nti nsaña mme anam utom Abasi, ebuana ndito Abasi, idaresit ye emem. Edi enọ mme ñkpọ emi ke ntak ñkpọ kiet: oro edi man eda mmọ enwam mbon efen. Ema esobo Sodom ye Gomorrah koro mmọ eketañde idem, eyuhọ ye udia (mme ñkpọ). Efu ifu, inyuñ imaha ndiñwam mme ubuene ye mbon unana. (Se ke Ezekiel 16:49). Eda Israel mfin nte ñkpọ ufiet, mmọ edi mbon eke ekofode koro mmọ ekesinde ndida se Abasi okofode mmọ ññwam eyen eka mmọ. Edi mmọ emi esinde ofuri odudu mmọ man Eti-mbuk atara edi mmọ emi enyenede ata inemesit.

Ererimbot okpon onyuñ añwaña, mme andidun enye enyuñ ewak, ndien nsop ukot ndikwọrọ Eti-mbuk edi se idude owo Abasi ke esit. Baba usen kiet ibebe emi anana-ibat ukpon owo mibehe iduk ke nsinsi ini, ndien ebiet eke mmọ edidude ke nsinsi etiene nte mmọ ekedude uwem mi ke ererimbot. Ke ntak ndinam utom Abasi atara esin Obon odofon ndito Abasi ete: “Nsinam mbufo ekadade mi ofuri usen efen-efen? ... Mbufo nde eduk ke inwañ-vine ndien nyenọ mbufo se inende” (Matthew 20:6, 7). Edi utom Edisana Spirit ndiwut anam idiok-ñkpọ ndudue esie, nnyun nsua nno nnyun mmenere ikpe Abasi ñwut mme owo nnyun ntiñ mme ñkpọ eke edidide. Eyen Abasi, akpan-akpan enye emi ema ekanam asana onyuñ enyenede uduok-mmofon Edisana Spirit, emi Edisana Spirit etemede onyuñ adade enye usuñ, enyene ndiyak uwem esie ke ndinam utom nno Abasi, onyuñ anam utom ke idak erinyime ye nda-usun Edisana Spirit.

Ke ini mbet Jesus ekedide edisobo ye Jesus nte etiñde ikọ ye eyen añwan Samaria ke mben obube mmọñ Jacob, mmọ ema edọhọ Enye adia udia. Enye ama etiñ ọnọ mmọ ete ke imenyene udia ndidia emi mmọ mikọfiokke. Mmọ ke unana ndifiok mbaña se Enye etiñde, ema ekere ete ke owo efen ama ọnọ Enye udia. Edi Enye ama otim anam añwaña mmọ se Enye eketiñde abaña, ke enye ndidọhọ mmọ ete ke udia eke ọnọde Enye odudu ekedi ndinam uduak Ete Esie emi ọkọdọñde Enye, ndinyuñ nnam utom oro mma. Ke ukem usuñ oro eyen Abasi kiet ekededi enyene ndisọp ukot ke utom esie sia enye ọfiokde ete ke imọ inam uduak Ete imọ. Oruk ifiok ntem esinam owo Abasi ikpaha mba inyuñ idopke ke ndinuk Eti-mbuk akaka iso. Se ikodude ke uwem Jesus Christ ekedi ndinam utom Ete Esie, ndien etiñ ebaña Enye ete, “Koro ufup ufok fo adia de mi” (Psalm 69:9). Uwem Jesus Christ ọkọyọhọ ke edinam uduak Ete Esie; ke ukem ido oro, Anditiene-Christ ekpenyene ndida ukeme ye mfon emi Abasi ọnọde enye nnyene ima nno mme ukpoñ owo, utọ ima eke okponde akan kpukpru ima eken ye mme udon efen.

Nnyin imenyene ubiọñ-utom ke iso Abasi. Yak nnyin ikuduok nkukut nnyin ke abaña se anade inam. Ana nte nnyin itim iboñ akam man Abasi okot mme ukpoñ emi ekpade mba ke usuñ idiok eduk edi, man Abasi onyuñ ọnọ nnyin kọp mbit-mbit mmọñ ndinọ mmọ, emi edide kọp ndon esit, eti mbuk emi abañade usuñ ndiworo nkpoñ idiok-nkpo ye usuñ ndibohọ nsinsi mkpa oto ke mkpa ye eriset Jesus Christ.

Idighe kpukpru nnyin ikeme ndika ke kpukpru mme idut. Edi, kọm Abasi, Enye ọnọ nnyin ifet ndika ke ofuri ererimbot ebe ke akam ye mbuotidem ye udon emi odude ke esit emi anamde odudu Abasi ọsuhore edi ndinyaña ukpoñ, nnam asana, nnyuñ nyohọ ye odudu Edisana Spirit ye ikañ, nnyuñ nsio ke ekim nsin ke uñwana. Mmọ emi mikemeke ndika ekeme ndinọ inyene mmọ; mmọ ekeme ndida ofuri esit nnam se ededi ubok mmọ ekemede ndinam, ke nditim mme nkpo ke ufok Abasi, mme ndiñwam mbon udon, mme nditiñ mbuk erinyaña ke efak, mme ndika ke mme ufok ibok nkesuan Eti-mbuk nto ke mme ñwed eke emiñde, mme nkpo kiet ekededi emi Abasi ọnọde mmọ ndinam. Ndien se ededi eke enamde, yak enam idighe ndida ukpono ye uboñ nno idem, edi ndida ukpono ye uboñ nno Abasi ikpoñ.

### **Mme Anam-utom Abasi, Ke Ufok Ye Ke Esen Idut**

Ediwak otu ikot Abasi ye mme ufok Abasi ebahare utom edikworo ikọ Abasi esin ke ikpehe iba; oro edi, mme anam utom Abasi ke ufok ye mme anam utom Abasi ke mme esen idut. Utom ikọ Abasi ke ñkañ ufok esiyohọ ye kpukpru nsin ifik ke ndisuan ikọ Abasi nnyuñ nnam ediwak owo ke ufok ye mbohiduñ ekabare esit etiene Abasi. Edibop mme ufok Abasi ye eritoño mme otu mme andinim ke akpanikọ ke mme obio emana edi se ebatde nte “Utom iko Abasi ke ufok.” Owo okukere ete nsin ifik ke utom ikọ Abasi ke ufok ekpri akan enye emi enamde ke esen idut. Ke mme uwut-nkpo eken, ekeme ndinam utom Abasi ke esen idut aka iso oto ke uñwam emi nditọ Abasi ke ufok enode.

Ebiet ekededi emi mme owo esinde ofuri ukeme mmọ ke utom Abasi mmọ esiwak ndisiaha nduk ke mme nkok utom eke ekponde ekan. Edi akpanikọ ete ke ini otu nditọ Abasi esiode ndusuk mme owo ke otu mmọ edon ekekoro Eti-mbuk ke anyan ebiet, Abasi esifori ufok Abasi emi odude ke ufok man mmọ ekeme ndinọ uñwam esok mmọ oro ekesiode edon.

Ata ñworo-nda uwut-nkpo mboho mme okworo-ikọ Abasi ekedi ukpep-nkpo ke Ñwed Abasi, eke nditọ Abasi emi ekenamde utom ke akwa nsuñ-ikañ emi ekekerede U.S.S. Enterprise, ekesikpepde ke ini Ekon Ofuri Ererimbot oyohọ ikaba. Mmọ ema ebok idem mmọ nte mme okworo-ikọ Abasi man eñwam mbono ukpono Abasi emi ekeminimde ndien-ndien ke nsuñ-ikañ oro, ye ekikere ndinam mmọ emi ekenamde utom ke ubom ye mmọ ekabare etiene Christ. Ke idak ndutime ini ekon oro, mme owo ekesuk ekakabare esit etiene Abasi ke esit ubom. Mme andisuan etop Abasi ke esen idut ema enyuñ etiene enyene akamba ubok ke utom emi. Mme owo emi ekedi ata mme anam utom Abasi, koro mmọ ema eñwam ndikabare mme owo emi ekeperede mmọ idem nno Abasi, enyuñ eñwam mmọ eken emi ekenamde utom Abasi ke mme idaha efen.

### **Enọ Kpukpru Owo**

Edi ata uduak Abasi ete ke kpukpru mme andidu uwem ekpenyene ndifiok odudu erinyaña Christ. Abasi omodiñ kpukpru ukeme emi ekpri mme uwak owo esinde ndinam uyo Jesus ke ndikworo “Gospel nno kpukpru owo.”

### **Ke Kpukpru Usen**

